

A. Stern, Ueber die Monatsnamen einiger alten Voelker 1836) :

Սակայն, այս բացատրութիւնը մի թե-
բութիւն ունի :

Արա Աւեստայում հասարակ անունն է ան-
հատի, եւ չի յիշուում իրր համանիչ Արամետի :
Իսկ եթէ լոկ ժողովրդական ձեւ է, ինչպէս
հասկանալ, որ նա այնպիսի պատուաւոր տեղ
է գրաւել հայ միջնավայրում . մինչդեռ անհետ
կորել իրանում :

Միւս կողմից՝ մոռանալու չէ ընաւ, որ
Արայի կից կայ էրը, որը թելադրում է ըն-
դունել, որ իւօք հայերի մօտ գոյութիւն է ու-
նեցել մի անուն անկախ իրանական Արայից :
Մեզ թւում է, որ Արա ոչ այլ ինչ է, եթէ ոչ
զուտ հայ էր իրանական ստուերով սքօզուած :
էրը այն աստուածն էր կամ զիւցաղն, որ հա-
յերը բերել էին իրենց հետ արեւմուտքից :

Իրանական միջնոլորտում, չնորհիւ հնչա-
կան եւ գաղափարական մերձաւորութեան,
էրը տեղի է տալիս Արա ձեւին :

Իսկ թէ ինչ էր նախնական էրը, այդ պար-
զելու համար պէտք է Պամփիւլիայի վրայից
գնանք յետ դէպի Թրակիա :

VII

Հելլէն բազմաստուած Պանթէոնում մի ա-
նուն կայ, որ նմանութիւն ունի հայ էրին,
այդ Արէսն է :

Դիցարանութեան հմուտներին տարօրի-
նակ պիտի թուայ երկու անուններին մէջ աղերս
որոնելու փորձը : Պատերազմի գոռ աստուածն
այնքա՛ն հեռու է երազուն էրից :

Սակայն, Արէսի յունական նկարագիրը
նախնական չէ : Նրա սկզբնական էութիւնն ու
ծագումը տակաւին վիճելի է : Կարծողներ
կան, որ ստորերկրեայ աստուածութեան գա-
ղափարն է, որ բնորոշում է Արէսի հնազոյն
տիպը : Երկրի խորքերից նա կեանք եւ բարե-
բարութիւն է գեղում, կամ մահ եւ աւերածու-
թիւն է սփռում : Վերջին յատկութիւնից զար-
գանում է պատերազմի եւ սրածութեան ոգին :
Նոյն ուղիով, ինչպէս Իշտար դառնում է պա-
տերազմի աստուծու Ասուրի կինը, այնպէս
էլ Արէսն արժանանում է գեղանի Ափրոդիտէի
սիրոյն : Ուրիշ խօսքով նա մօտենում է Արո-
նիսեան տիպարին :

Վկայ է եւ առասպելը, որի համաձայն Ա-

րէսը վարազի կերպարանքով սպանում է իր
ախոյեանին, դժբախտ Ադոնիսին կամ ինչպէս
յոյն-ասորական հիւսուածն է ասում, սպա-
նում է Թամուզին գեղեցիկ Բելտիսի սիրոյն
համար :

Արէսը համարում է նաեւ հայր Ատիսի :
Այս կարեւոր տեղեկութիւնը յայտնում է
Տոմաշէկ, (Die alten Thraker II էջ 59)
բայց նրա կոչումը Պրսէլի Tetr. II 97
չի արդարանում . երեւում է, ուրիշ տեղից է
քաղած : Ադոնիսին սպանելով եւ Ատիսի հայր
ձեւանալով Արէսը երեւան է գալիս իրրեւ նը-
րանց վաղեմի ժառանգորդ ոչ որդիական, այլ
հայրական իրաւունքով :

Այս դիցարանական գծերը վերապրում-
ներ են հնազոյն դրութեան, երբ մարտադոչ
աստուածը յայտնի էր աւելի մեղմ բարքով,
Ատիս-Ադոնիսեան պատկերով, թեւակից ու-
նենալով Ափրոդիտէ-Կիրելէ կանացի էութիւ-
նը :

Արէսը բնիկ Թրակացի է : Հոմերոսը նրա
բնակավայրը համարում է Թրակիան : Այստե-
ղից է նա յարձակում Թեսսալիա եւ Բէոպիտի-
ա, այստեղ է ապաւինում Ափրոդիտէի հետ ու-
նեցած յայտնի սիրային արկածից յետոյ : Յա-
ճախ երեւան է գալիս զինուած Թրակացու
նման եւ մարմինը վիտած : Եւ վերջապէս Թը-
րակիան կոչում է նրա անունով Արէսա :

Վիճելին այսպիսով Արէսի հայրենիքը չէ,
այլ նրա անուան ծագումը : Արդեօք անունը
նմանապէս Թրակիակա՞ն է :

Յունական Պանթէոնը հարուստ է այլա-
զան բնակիչներով : Նրանց մի մասը աւանդ է
նախահելլէն բնակչութիւնից : Յունական են
համարուելու այն անունները, որոնք մեկնելի
են նոյն լեզուի բառամթերքով : Լեզուագէտ-
ները տրամադիր են Արէսը հանել յոյն արէ,
բունութիւն, վնաս, սանսկ . arus «վէրք» բա-
ռից (Boisacg, Dictionnaire, էջ 76) :

Այս ստուգարանութիւնը, որի հիմը պատե-
րազմի աստուծու աւերիչ ոգին է, պայմանա-
կան է եւ եթէ պարզուի, որ Արէսը սկզբնա-
պէս պատերազմի աստուած չէ, պիտի կորցնէ
իր արժէքը :

Արդ՝ Արէսի մասին չատ տարբեր կարծիք-
ներ կան : Ոմանք համարում են նրան ամպրո-
պային աստուած (Vreller, Gr. Mith. I 226)